

澄城縣志卷十六

陽湖洪亮吉孫星衍同撰

金石十六

已見前卷者不錄

唐碑三

貞元十四年集賢殿學士陳京縣令鄭公德政碑

存文見上卷

杜牧功倉戶尉廳壁記

石刻失

縣之所重其舉秀貢賢也今日自外諸侯之儒者曠不能得一人沉尉乎次乃戶稅而已史記河渠書曰自徵引洛水至商顏下鑿井深者至四十餘丈即此地也徵者俗謠為澄耳其地西北山環之縣境籠其趾沙石相礪歲雨如注地皆溼灑不測徵之士適潤苗則大獲天或旬而不雨民則蒿然四望失矣是年多薄稔復絕絲麻藍果之饒因無豪族富室大

澄城縣志卷十六金石

一

抵民戶高下相差埒然歲入官賦未嘗期表類一人因徵其

來由者老成曰西四十里即畿郊也至如禁司東西軍禽坊

龍殿彩工梓匠善聲巧手之徒第番上下戶互來進取挾公

為首緣以一括十民之屢炊夜春歲時不敢嘗悉以仰奉父

伏子走尚不能當其意往往擊辱而去長吏固不敢援復况

其養秩安祿者耶加以御女官多盤穴其間遞相占附比急

熱如手足自丞相御史咸不能與之角逐縣令固無有為也

非豪吏真工聯紐相州賊者率解去是以縣賦益逋徵民幸

脫此苦者蓋以西有通澗巨壑又牙交吞小山峭徑馳鞭馬

張機置者不便於此是以絕跡不到兼之土田枯鹵樹植不

茂無秀潤氣象咸慙之而不家焉民所安和輸賦者殆由此

倘使徵亦中其所則墟矣尚安比之於他邑乎嗟乎國家設

法禁百官持而行之有尺一寸者率有八寸之刑今此城
墮地不起反使民以山之崩壑自為坊限可不悲哉使民特
險而不恃法則割土者宜乎墻山漸河而自守矣燕趙之盜
復何可多怪乎書其西壁俟傳言者覽焉

縣令宗義仲去思碑 失

宋碑八

宋皇祐六年伏龍神廟碑記 失

宋延祐中潘汝劼玉泉觀記 失

宋龍圖閣學士王正言魏鄭公祠石刻 失

宋政和中曹景儉普濟寺靈泉記 失

宋政和中曹景儉慧光洞記 失

宋宣和初隋公泉題名石刻 失

宋宣和初魏鄭公祠碑記

宋宣和中知縣張綱創建魏鄭公祠記 失

宋宣和癸卯魏鄭公祠碑記

金碑八

金尚書高有邦題壁詩石刻 失

金明昌三年師節婦墓原降省符碑 失

金王嘉猷師節婦墓碑 失

金大定二年重修倚嶽廟碑記 失

金大定五年劉德重修三官殿記 見上

金大定十一年縣尉趙公德政碑 見上

金承安三年孫鎮艾公改修魏鄭公祠記 見上

金承安四年孫鎮知縣艾公遺愛碑 見上

元碑三

元至大中縣尹張洵重修儒學記韓城教

元至元中縣尹宋傑重修城隍廟記縣尉劉宏遠撰

元至正七年縣人傅良弼魏鄭公祠碑記失

明碑十六

明趙寅重建廟學碑記見上

明吉人增修廟學碑記見上

明韓邦奇新修廟學記見上

明陝西僉事四明張楷魏鄭公祠題壁詩石刻失

明知縣史東昌去思碑失

明知縣王選生祠碑記失

明縣丞樂韶遺愛碑

縣人喬口縣丞樂公遺愛碑自古張官置吏職思親民尤關

陝西志卷十六金石

三

承宣之重者莫要於丞聖朝混一益嚴茲選然欲求克勝是

任者樂侯其人也侯名韶字九成世居江西臨川擢才異授

是邑丞去歲夏六月署事慨然有口顧縣治襲時徒於親鄰

寨以奔走服役受制於時將詣都督府躬稟命復故治解宇

塵居尋就規繩官民兩便而無擾前編氓緣賦煩重逃亡者

多侯招來耕墾安業自是疲瘡復蘇咸遂仰事俯育之願設

法禁戢凶賊茂肆殘害境內晏然無狗偷鼠竊之警至於吏

胥輩各能飭厲奉公罔或貪惰故庶物辨集親鄰邑為首稱

其戶役丁力高下衆寡不同仍品咨等第科坐民無妄費之

有過軍於合備燻餽外或妄有需求執論拒止民無妄費之

苦敬謁廟學增修摧圮延禮師儒教養後進日課月試以期

人材有成頃遇亢旱割俸齋香懇禱山神誠意感通如期而

甘澍沾足及朔望必率集庠校儒士泊耆宿輩講經論史讀
律俾人知趨善遠罪之方日必雞鳴冠帶詣公視事政務叢
瑣必躬加剴裁若挈裘領處之靡不適當嗚呼侯之政蹟彰
彰若此其賢於人遠甚民方感慕仰觀政威丁母喪而歸翌
日耆老趙達等謁予因請爲文紀諸石謹撫所言姑述梗概
銘曰侯方下車惠政寬徐恩撫流離田墾荒蕪農修食足學
與才育均賦平徭訟簡刑清邦憲宣明人知遵行姦伏糾擿
物無遁情善敦福慶惡摧鯨橫風移俗易塗歌里詠六事斯
全父母終天泣涕漣洏謝職南還賢侯去矣孰繼芳軌勒銘
貞珉甘棠並美洪武三年歲次庚戌十月吉日古雍前鄉進
士喬口撰

明知縣劉有餘嘉禾碑

朝邑工部郎中韓邦清刻公嘉禾碑口王在上海內又安口

曠之日並肩之體皆氣之所爲也夫氣所爲
偶然耳烏足異父老曰常聞之嘉禾之書垂訓萬世有年之
紀載之春秋夫周公之聖非導主以誇孔子之書非示人以
不急者謹災祥重民事也古者鬱鬱之尊用以灌神故曰一
稔二米和氣所生今日之祥何以異此劉子曰父老愛我矣
然令無德焉不足以比此父老乃歷階而上再拜進詞曰旺
等山野鄙人無所知識然聞之君子矣物有所感類固相召
天子修政則祥在四夷故海不揚波重譯斯至諸侯修政則
祥在四境故楚王將霜厥有萍實大夫修政則祥在一家故
三鱣之降揚震乃陞今之郡縣古之侯國境內之祥非令而
誰夫天之所彰不可誨也民之所與不可奪也君子不引高
以違衆廢天以爲異令無辭焉劉子乃大笑曰父老勞苦矣
其罷休就舍古人有言貪天之功以爲己有令也敢掠天之
美乎卒弗止於是父老退而相議曰吾令長者也奈何自張
其在吾民乎私相刻石紀其事俾五泉韓子序之以詔來世
昭令之休焉韓子曰夫循吏之政祥古有之矣張堪兩岐魯
恭三翼載之史籍彬彬然可考矣夫人民者天之心也故曰
天視自我民視天聽自我民聽守令之職親民爲近其感各
易矣子如存孛生趙生皆從劉子遊爲子道劉子治邑甚悉
其化俗似文翁斷獄似廣漢雀門似陽城有文武材善治兵

事澄城舊苦盜畏令屏息不敢發禾之生為不誣矣

明曾榮雷御史恭墓碑 未見

明李夢陽權博施墓表 見上

明石道立增修城隍廟碑記 見上

明路車增修城隍廟神樓碑記 見上

明路世美增修關帝廟碑記 見上

明路世美創修泮池記 見上

明李康知縣楊公政績記 見上

明湯廷修建社學記 見上